

Disquisitio
Congregatione
Censuram
mendas
firat,
ob
servatque
jubet.

co Cardinali compilatarum, & aliarum de novo ab eo factarum ad Nos harum serie advocamus, ac si em predictam super premissis extinguimus, & inhibitiones quas cum que per presentes moderamus, & revocamus, perpetuumque ipsis partibus silentium desuper imponimus.

§.4. Nec non Constitutiones predicta juxta tamen eorumdem Cardinalium limitationes, emendationes, declarationes, & restrictiones, Apostolica auctoritate, tenore presentium approbamus, & confirmamus, illisque perpetua, & inviolabilis firmitatis robur adjicimus, ac omnes, & singulos tam juris, quam facti defectus, si qui intervenerint in eisdem, supplemus, illisque ab omnibus, & singulis, quavis auctoritate, dignitate, & honore fungentibus, quos illa quomodolibet concernunt, & concernent in futurum, inviolabiliter observandas esse, & observari debere.

Trascripteque
litteras nullo
modo notari
posse declarat.

§.5. Nec non presentes litteras nullo unquam tempore de subreptionis, vel obreptionis vitio, seu intentionis nostre, vel quoquam alio defectu, etiam ex eo, quod interesse habentes vocati non fuerint, notari, impugnari, invalidari, aut ad terminos juris reduci, seu in jus, vel controversiam revocari posse. Sicque per quoscumque Judices, & Commissarios quavis auctoritate fungentes, etiam Casarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & diffiniri debere, nec non irritum, & inane decernimus, si secus super his a quoquam quavis auctoritate scienter, vel ignoranter contigerit attentari.

Constitutiones
hujusmodi
a Cardinali
de Casastro
publicari
precipit.

§.6. Quocirca eidem Roderico Cardinali, & pro tempore existenti Archiepiscopo, & Officiali Ispalen. motu simili mandamus, quatenus dictas Constitutiones pro-

mulgari, & a omnibus illis, quos illa concernunt, & concernent in futurum, etiam sub censuris ecclesiasticis auctoritate nostra observari faciant, cogant, & compellant. Contradictores quoslibet, & rebelles, ac premissis non parentes per sententias, censuras, & poenas ecclesiasticas, atque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

§.7. Non obstante lite, & inhibitione executioni demandata, aliisque premissis, ac Constitutionibus, & Ordinationibus Apostolicis, nec non dicta Ecclesia etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis, sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis Clausulis, & Decretis Decano, & Capitulo, ac Beneficentis predictis in contrarium quomodolibet concessis, approbatis, & innovatis: Quibus omnibus, & singulis, etiam si de illis, illorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda foret, illorumque tenores presentibus pro expressis habentes, illis alias in suo robore permanens, hac vice dumtaxat, specialiter, & expresse derogamus, ceterisque contrariis quibuscumque.

Obstantia
tollit.

§.8. Volumus autem, & dicta auctoritate decernimus, quod presentium transumptis, etiam impressis eadem prorsus fides adhibeatur, quae presentibus adhibetur, si forent exhibitae, vel ostense.

Transumptis
fidem addit.

Datum Romae in Monte Quirinali sub Annulo Piscatoris die 28. Julii 1590., Pontificatus nostri Anno VI.

Dat. die 28.
Julii 1590.
An. VI.

P A P A C C X X X .

ANNO CHRISTI MDXC.



Vigesima post Sixti V. mortem die electus est in Summum Pontificem Joannes Baptista Cardinalis Castaneus Januensis antea Presbyter Tituli S. Marcelli, & Archiepiscopus Rosanensis. Nihil post sui electionem fecit morbo impeditus, quo sublatus VI. Kalendas Octobris anno MDXC, die scilicet duodecima post quam fuerat electus, Corpus ejus delatum est ad Basilicam Vaticanam. Vacavit Sedes Menses II. Dies X. (a)

I.

Deputatio Cardinalis Pinelli in Praefectum Congregationis S. R. E. Cardinalium, super consultationibus negotiorum temporalis ditionis Status Ecclesiastici, praepositorum.

Ex Regest. in
Secret. Brev.

Dilecto Filio nostro Dominico Tituli Sancti Laurentii in Pane, & Perna Presbytero Card. Pinello nuncupat.

URBANUS PAPA VII.

Dilecte Fili noster salutem, & Apostolicam benedictionem.

CUM dilectus filius noster Alexander Cardinalis Montaltus nuncupatus, Congregationi pro consultationibus negotiorum Status Ecclesiastici, cui sub fel. rec. Sixto Papa V. Praedecessore nostro, praeter alia sibi, tunc incumbentia muerat, praerarat, aliquibus justis, ut nobis exposuit, de causis, impeditus, commode vacare minime possit, Nos, ne hujusmodi negotiorum expeditiones, aliqua hoc tempore detrimenta sustineant, tua opera, de cujus fide, prudentia, atque solertia, plurimum in Domino confidimus, in hujusmodi muerere uti decrevimus. Itaque tibi, qui unus ex S. R. E. Cardinalibus in dicta Congregatione deputatus existis, ut una cum eisdem Cardinalibus in dicta Congregatione deputatis, prout haecenus fecisti, consultationes, deputationes, seu quarelas quorumcumque ditioni nostrae temporali subiectorum, ad Nos confluentes, super causis tam civilibus, quam criminalibus, ad forum seculare dumtaxat spectantes, audire, & statis diebus cum dictis Cardinalibus conferre, & de majoris partis sententia expedire, nec non super iis, quae in dicta Congregatione de sententia majoris partis, ut praefertur, decreta, & diffinita fuerint, Litteras nostro nomine ad Provinciarum Legatos, & Vice-Legatos, Civitatum Gubernatores, & alios Terrarum, & Oppidorum, quocumque nomine vocentur, Magistratus, & Officiales in statu, & ditione temporali nostra, & Sedis Apostolicae nunc, & pro tempore constitutos, nec non responsa, ac mandata nostra illis, & aliis etiam privatis personis, quibus opus fuerit, scribere valeas, ac debeas, & quod Literis tuis eadem prorsus fides adhibeatur, quae adhiberetur, si nostra manu subscriptae essent, auctoritate Apostolica, plenam, & liberam facultatem concedimus, ac tenore presentium etiam injungimus. Contrariis non obstantibus quibuscumque.

Cardinalis
Montaltus
hanc Praefecturam
di-
mittit.

Committitur
Cardinali Pi-
nelli.

Datum Romae apud S. Petrum, sub Annulo Piscatoris die 20. Septembris 1590. suscepti a Nobis Apostolatus Officii Ann. I.

Dat. die 20
Septem. 1590.
An. I.

(a) Inclusis in utroque computo extremis.